



殷本紀第三

史記三

殷契母曰簡狄有娥氏之女

莊南子曰有娥在不周之北

為帝嚳次

妃三人行浴見玄鳥墮其卵簡狄取吞之因孕生

契契長而佐禹治水有帝舜乃命契曰百姓不親

五品不訓汝為司徒而敬敷五教五教在寬封

於商

鄭玄曰商國在大華之陽皇甫謐曰今上洛商是也

賜姓子氏

禮緯曰祖以玄鳥生子也

契

興於唐虞大禹之際功業著於百姓百姓以平契

卒子昭明立 昭明卒子相土立

宋忠曰相土就契封於商春秋左傳曰關伯居

商立相土因之

相土卒子昌若立

昌若卒曹圉立

曹圉卒子冥立

宋忠曰冥司空勤其官事死於水中殷人郊之

冥卒子振立

振卒子微立 微卒子報丁立 報丁卒子報乙

立 報乙卒子報丙立 報丙卒子主立 主

壬卒子主癸立 主癸卒子天乙立是為成湯

白禹湯皆字也二王去唐虞之文從高陽之實故 自契至

湯八遷 孔安國曰十四世凡八徙國都 湯始居亳 皇甫謐曰梁國穀孰為南亳即湯都也 從先

王居 孔安國曰契父帝嚳都亳湯自商丘遷焉故曰從先王居 作帝誥湯征諸侯 孔安國曰為夏

方伯得專征伐 葛伯不祀湯始伐之 孟子曰湯居亳與葛伯為鄰地理志曰葛今梁國寧陵之葛鄉

湯曰子有言人視水見形視民知治不俟尹曰明

哉言能聽道乃進君國子民為善者城在王官勉

哉勉哉湯曰女不能敬命子大罰殛之無有攸赦

作湯征伊尹名阿衡阿衡欲干湯而無由乃為有

莘氏媵臣 列女傳曰湯地有莘氏之女 負鼎俎以滋味說湯致於王

道或曰伊尹處士湯使人聘迎之五反然後肯往

從湯言素王及九主之事 劉向列傳曰九主者有法君有君君君勞君等君寄君破君國君

三歲社君凡九品圖書其形 湯舉任以國政伊尹去湯適夏既醜有

夏復歸于亳入自北門遇女鳩女房作女鳩女房

孔安國曰鳩房二、湯之賢臣也二篇皆所以醜夏而還之意也 湯出見野張網四面祝曰

自天下四方皆入吾網湯曰嘻盡之矣乃去其三

面祝曰欲左左欲右右不用命乃入吾網諸侯聞

之曰湯德至矣及禽獸當是時夏桀為虐政淫暴

而諸侯昆吾氏為亂湯乃興師率諸侯伊尹從湯
湯自把鉞以伐昆吾遂伐桀湯曰格汝眾庶來女
悉聽朕言匪台小子馬融曰台我也敢行舉亂有夏多罪予
維聞女眾言夏氏有罪予畏上帝不敢不正孔安國曰
不正桀之罪而誅之今夏多罪天命殛之今女有眾女曰我君
不恤我眾全我嗇事而割政孔安國曰奪民費功而為割剝之女其曰
有罪其柰何夏王率止眾力率奪夏國孔安國曰桀君臣相率
遏止眾力使不得事農相率割剝夏之邑居有眾率怠不和馬融曰眾民相率怠惰不和曰是日
何時喪予與女皆尚書大傳曰桀云天之有曰酒吾丁之有民曰有亡哉日亡吾亦矣夏德
若茲今朕必往爾尚及予一人致天之罰予其大

理女

尚書理字作齊鄭玄曰齊賜也

女母不信朕不食言女不從誓言

予則帑慘女無有攸赦以告令師作湯誓於是湯

曰吾甚武號曰武王

詩云武王載旃有虔秉鉞毛傳曰武王湯也

桀敗於有

娥之墟桀犇於鳴條夏師敗績湯遂伐三坡俘厥

寶玉

孔安國曰三愛國名桀走保之今定陶也俘取也

義伯仲伯作典寶

孔安國曰二臣作典

寶一篇言國之常寶寶也

湯既勝夏欲遷其社不可

孔安國曰欲變置社覆而後世無及

句龍者故不可而止

作夏社

孔安國曰言夏社不可遷之義

伊尹報

徐廣曰一云伊尹報政

於是

諸侯必服湯乃踐天子位平定海內湯歸至于泰

卷陶

徐廣曰一無此陶字孔安國曰地名湯自三變而還

中囂作詰

孔安國曰仲虺湯左相奚仲之後

既紕夏命

孔安國曰紕其王命

還亳作湯詰維三月王自至於

東郊告諸侯羣后母不有功於民勤力殫事予乃
 大罰殛女母子怨曰古禹臯陶久勞于外其有功
 乎民民乃有安東為江北為濟西為河南為淮四
 瀆已脩萬民乃有居后稷降播農殖百穀三公咸
 有功于民故后有立徐廣曰一作土昔蚩尤與其大夫作亂
 百姓帝乃弗予音有狀先王言不可不勉曰不道
 母之徐廣曰一作政在國女母我怨以令諸侯伊尹作咸有
 一德王肅曰三言君臣皆有一德咎單作明居馬融曰咎單湯司空也明居民之去也湯乃
 改正朔服色上白朝會以書湯崩皇覽曰湯冢在濟陰
 縣東去縣三
里冢四方各十步高七尺上平處平地漢哀帝建平元年大司空師
 史長卿案行水災因行湯冢劉向曰殷湯無葬處皇甫謐曰即位十七

山為天子
 三年卒百歲而崩太子太丁未立而卒於是廼立太

丁之弟外丙是為帝外丙 帝外丙即位三年崩
 立外丙之弟中壬是為帝中壬 帝中壬即位四

年崩伊尹廼立太丁之子太甲太甲成湯適長孫
 是為帝太甲 帝太甲元年伊尹作伊訓作肆

命鄭立曰肆命者陳政教所當
 為也但后書書湯之法度也帝太甲既立三年
 不明暴虐不遵湯法亂德於是伊尹放之於桐宮

受國曰湯葬地鄭立
 其名也王肅曰三年伊尹攝行政當國以朝諸侯
 帝太甲居桐宮三年悔過自責反善於是伊尹廼

復帝太甲而授之政帝太甲修德諸侯咸歸殷百

遂以靈伊尹嘉之廼作太甲訓三篇褒帝太甲

太宗太宗崩子沃丁立 帝沃丁之時伊尹卒既

葬伊尹於亳 皇覽曰伊尹家在濟陰己氏平利鄉亳近己氏 各置塚訓伊尹事

作沃丁沃丁崩弟太庚立是為帝太庚 帝太庚

崩子帝小甲立 徐廣曰世表云帝小甲太庚弟也 帝小甲崩弟雍己立

是為帝雍己殷道衰諸侯或不至帝雍己崩弟太

戊立是為帝太戊帝太戊立伊陟為相 孔安國曰伊陟伊尹之

高也有祥桑穀共生於朝一暮大拱 孔安國曰祥妖怪也

之曰拱 帝太戊懼問伊陟伊陟曰臣聞妖不勝德

帝之政其有關與帝其修德太戊從之而祥桑枯

死而去伊陟贊言于巫咸 安國曰贊告巫咸臣名也 巫咸治王家

有成作感艾 馬融曰艾洽也 作太戊帝太戊贊伊陟于廟言

弗臣伊陟譏作原命 馬融曰原臣名也命原以禹湯之道我所修也 殷復興諸侯

歸之故稱中宗中宗崩子帝仲丁立帝仲丁遷于

囂 孔安國曰地名自王甫謚曰或云河在秦倉是 河亶甲居相 孔安國曰地祖乙遷

于邢帝中丁崩弟外壬立是為帝外壬中丁書關

不具帝外壬崩弟河亶甲立是為帝河亶甲河亶

甲時殷復表河亶甲崩子帝祖乙立帝祖乙立殷

復與巫賢任職祖乙崩子帝祖辛立帝祖辛崩弟

沃甲立是為帝沃甲帝沃甲崩立沃甲兄祖辛之

子祖丁是為帝祖丁帝祖丁崩立弟沃甲之子南
庚是為帝南庚帝南庚崩立帝祖丁之子陽甲是
為帝陽甲帝陽甲之時殷衰自中丁以來廢適而
更立諸弟子弟子或爭相代立比九世亂於是諸
漢莫朝帝陽甲崩弟盤庚立是為帝盤庚帝盤庚
之時既已都河北盤庚渡河南復居成湯之故居
廼五遷無定處孔安國曰自湯至殷民咨胥誓怨不欲
從孔安國曰胥相也民不從也盤庚乃告諭諸侯大且曰
昔高后成湯與爾之先祖俱定天下法則可修善
而弗勉何以成德乃遂涉河南治亳亳地舊家自其

而改號曰殷亳自
甫謚曰合偃師是也

行湯之政然後百姓由寧殷道復
興諸侯來朝以其遵成湯之德也帝盤庚崩弟小
辛立是為帝小辛立殷復衰百姓思盤庚廼作盤
庚三篇帝小辛崩弟小乙立是為帝小乙帝小乙
崩子帝武丁立帝武丁即位思復興殷而未得其
佐三年不言政事決定於冢宰鄭玄曰冢宰天官
卿貳王事者

以觀國風武丁夜夢得聖人名曰說以夢所見
視群臣百吏皆非也於是廼使百工營求之野得
說於傅險中徐廣曰尸子云
傳巖在北海洲是時說為胥靡築於

築於傅險孔安國曰傅氏之巖在虞虢之界通道所經有澗水壞道
常使胥靡刑人築護此道說賢而隱代胥靡築之以供食也

以治三年
卷之六十三
監十餘道

見於武丁武丁曰是也得而與之語果聖人舉以

為相殷國大治故遂以傳險姓之號曰傳說帝武

丁祭成湯明日有飛雉登鼎耳而响武丁懼祖已

曰孔安國曰王勿憂先修政事祖已乃訓王曰唯天

監下典厥義孔安國曰言天視下民以義為常也降年有永有不永非天

天民中絕其命民有不若德不聽罪天既附命正

厥德孔安國曰不順德言無義也不服罪不改修也乃曰其奈何

嗚呼王嗣敬民罔非天繼常祀毋禮於棄道孔安國曰

主者主民當敬民事無非天時所常祀也祭祀有常不當時豐於近也武丁修政行德天下

咸驩殷道復興帝武丁崩子帝祖庚立祖已嘉武

丁之以祥雉為德立其廟為高宗遂作高宗彤日

及訓孔安國曰祭之明日又祭殷曰彤周曰緹帝祖庚崩弟祖甲立是為帝

甲帝甲淫亂殷復衰帝甲崩子帝廩辛立帝廩辛

崩弟庚立是為帝庚丁帝庚丁崩子帝武乙立殷

復去亳徙河北帝武乙無道為偶人謂之天神與

之博令人為行天神不勝乃修辱之為革囊囊盛

血仰而射之命曰射天武乙獵於河渭之間暴雷

武乙震死子帝太丁立帝太丁崩子帝乙立帝乙

立殷益衰帝乙長子曰微子啓啓母賤不得嗣少

子孫辛毋正后辛為嗣帝乙崩子辛立是為帝辛

後世所謂英雄
神武也豈知皆亡
國之具乎可以悟
君道矣

天下為之紂諡曰殘義帝紂資辨捷疾聞見甚敏材

力過人手格猛獸知足以鉅諫言足以飾非矜人

臣以能高天下以聲以為皆出已之下好酒淫樂

嬖於婦人愛妲己皇甫謐曰有蘇氏美女妲己之言是從於

是使師消作新淫聲北里之舞靡靡之樂厚賦稅

以實鹿臺之錢如淳曰新序曰鹿臺其大三里高千而盈鉅橋

之粟服虔曰鉅橋倉名許慎曰鉅鹿水之大橋也有漕粟也益收狗馬奇物充仞

宮室益廣沙丘苑臺爾雅曰池灑沙丘也地里志曰在鉅鹿東北七十里多取野

獸蜚鳥置其中慢於鬼神大最樂戲於沙丘徐廣曰一作

囷以酒為池縣肉為林使男女僕相逐其間為長

夜之飲百姓怨望而諸侯有畔者於是紂乃重刑

辟有炮烙之法列女傳曰膏銅柱下加之炭令有罪者行焉輒墮炭中妲己笑名曰炮烙之刑以西

伯昌九侯徐廣曰一作鬼侯鄂侯徐廣曰一作邶音為三公

九侯有好女入之紂九侯女不意淫徐廣曰一作紂

怒殺之而醢九侯鄂侯爭之彊辨之疾并脯鄂侯

西伯昌聞之竊嘆崇侯虎知之以告紂紂囚西伯

姜里地理志曰河內湯陰有姜里西伯之臣閔天之徒求

美女奇物善馬以獻紂紂乃赦西伯西伯出而獻

洛西之地以請除炮烙之刑紂乃許之賜弓矢斧

鉞使得征伐為西伯而用費中為政費中善諛好

和勝人涕親紂又用惡來惡來善毀讒諸侯以此

益疎西伯歸乃陰修德行善諸侯多叛紂而往歸

西伯西伯滋大紂由是稍失權重王子比干諫弗

聽商容取負首百姓愛之紂廢之及西伯伐飢國滅

之徐廣曰飢一作紂之臣祖伊孔安國曰祖已後賢臣也聞之而咎周

國曰咎恐奔告紂曰天既訖我殷命假人元龜徐廣曰元一作

無敢知吉馬融曰元龜大龜也長尺二寸孔安國曰夏人非先

王不相我後人孔安國曰維王淫虐用自絕故天弃

我不有安良不虞知天性不迪率典鄭立曰王暴虐使不得天曷不降城

大命胡不至紂王其柰何紂曰我生不有命在天

乎祖伊反曰紂不可吐諫矣西伯既卒周武王之東

伐至盟津諸侯叛殷會周者八百諸侯皆曰紂可

伐矣武王曰爾未知夫命乃復歸紂愈浮亂不止

微子數諫不聽乃與太師少師謀遂去比干曰為

大臣者不得不以死爭迺強諫紂怒曰吾聞聖

人心有七竅剖比干觀其心箕子懼乃詳狂為奴

紂又囚之殷之太師少師乃持其祭樂器奔周周

武王於是遂率諸侯伐紂紂亦發兵距之牧野鄭

甲子曰紂兵敗紂走入登鹿臺徐廣曰鹿一作廩衣

箕寶王衣赴火而死周武王遂斬紂頭縣之白旗
殺妲己釋箕子之囚封比干之墓表商容之闕封
武庚祿父以續殷祀燕周曰殷凡三十一世六百餘年國家
紀年曰湯滅夏以至受二十九
為天子其後世貶帝號號為王而封殷後為諸侯
屬周周武王崩武庚與管叔蔡叔作亂成王命周公
誅之而立微子於宋以續殷後焉

太史公曰余以頌次契之事自成湯以來來於
詩契為子姓其後分封以國為姓有殷氏來氏宋
氏空桐氏稚氏北殷氏目夷氏孔子曰殷路車

善而色尚白

殷本紀第三

大史公曰余以頌次契之事自成湯以來來於

周本紀第四

史記四

周后稷名弃其母有邠氏女曰姜原

韓詩章句曰姜原字或曰姜原謚

號也姜原為帝嚳元妃姜原出野見巨人跡心忻然

說欲踐之踐之而身動如孕者居期而生子以為

不祥弃之隘巷馬牛過者皆辟不踐徙置之林中

適會山林多人遷之而弃渠中冰上飛鳥以其翼

覆薦之姜原曰為神遂收養之初欲弃之因名

曰弃弃為兒時屹如巨人之志其遊戲好種樹麻

菽麻菽義及為成人遂好耕農相地之宜宜穀者

稼穡焉民皆法則之帝堯聞之舉弃為農師天下

周本紀第四

得其利有功帝舜曰弃黎民始飢徐廣曰今文尚書云祖飢故此作始飢祖

也爾后稷播時百穀封弃於郃徐廣曰今在扶風號曰后稷

別姓姬氏禮緯曰祖以履大跡而生后稷之興在陶唐虞夏之際皆

有令德后稷卒山海經大荒經曰黑水青水之間有廣都之野后稷葬焉皇甫謐曰家去中國三萬里也子

不窋立不窋末年夏石氏政衰去稷不務常昭曰夏太康失國

廢稷之官不復務農不窋以失其官而奔戎狄之間不窋卒子

鞠立鞠卒子公劉立公劉雖在戎狄之間復脩后

稷之業務耕種行地宜自漆沮渡渭取材用行者

有資居者有畜積民賴其慶百姓懷之多徙而保

歸焉周道之興自此後故詩人歌樂思其德公劉

卒子慶節立國於豳徐廣曰新平漆縣東北有豳亭慶節卒子皇僕

立皇僕卒子差弗立差弗卒子毀隃立音踰世本作榆毀隃

卒子公非立公非卒子高圉立宋忠曰高能率高圉

卒子亞圍立世本云亞圍雲都皇甫謐云雲都亞圍字亞圍卒子公叔祖類

立公叔祖類卒子古公亶父立古公亶父復脩后

稷公劉之業積德行義國人皆戴之薰育戎狄攻

之欲得財物予之已復攻欲得地與民民皆怒欲

戰古公曰有民立君將以利之今戎狄所為攻戰

以吾地與民民之在我與其在彼何異民欲以我

故戰殺人父子而君之子不忍為乃與私屬遂去

弘治三年

史本紀四

益生孫德真

豳渡漆沮

徐廣曰水在杜陽岐山杜陽縣在扶風

踰梁山上於岐下

徐廣曰山在扶

風美陽西北其南有周原駟案皇甫謐曰邑於周地故始改國曰周

豳人舉國扶老攜弱盡

復歸古公於岐下及他旁國聞古公仁亦多歸之

於是古公乃貶戎狄之俗而營築城郭室屋而邑

別居之

徐廣曰分別而為邑落也

作五官有司

禮記曰天子之五官曰司徒司馬司空司士司寇典

司五衆鄭玄曰此殷時制

民皆歌樂之頌其德古公有長子曰太

伯次曰虞仲太姜生少子季歷季歷娶太任列女傳曰

太姜有任之女太任氏摯任之中文皆賢婦人生昌有聖瑞古公曰我

世當有興者其在昌乎長子太伯虞仲次古公欲

立季歷以傳昌乃二人亡如荆蠻文身斷髮應劭曰

其髮文其身以避龍子故不見傷害以讓季歷古公卒季歷立是為公

季公季修古公遺道篤於行義諸侯順之公季

卒應劭曰葬

子昌立是為西伯西伯曰文王遵后稷

公劉之業則古公公季之法篤仁敬老慈少禮下

賢者日中不暇食以待士士以此多歸之伯夷叔

齊在孤竹

應劭曰在

聞西伯善養老益往歸之太顛

聞天散宜生鬻鬻子辛甲大夫之徒皆往歸之別錄

應劭曰子辛甲大夫之徒皆往歸之崇侯虎譖西伯於殷紂曰西伯積善累德諸

侯皆嚮之將不利於帝帝紂乃囚西伯於羑里閔

侯皆嚮之將不利於帝帝紂乃囚西伯於羑里閔

天之從惠之乃求有莘氏美女驪戎之文馬有熊
九頭他奇怪物因殷嬖臣費仲而獻之紂紂大說

曰此一物足以釋西伯况其多乎乃赦西伯賜之
弓矢斧鉞使西伯得征伐曰譜西伯者崇侯虎也

西伯乃獻洛西之地以請紂去炮格之刑紂許之
西伯陰行善諸侯皆來波平於是虞芮之人

地理志 虞在河 有獄不能決乃如周入界耕者皆讓曰

民俗皆讓長虞芮之人未見西伯皆慙相謂曰吾
所爭周人所恥何往為祇取辱耳遂俱讓而去

諸侯聞之曰西伯蓋受命之君明年伐大戎

山海經 曰有人 明年伐密須

應政曰密須氏姑姓之 國橫曰安定陰密縣是 明年伐崇侯

作既 殷之祖伊聞之懼以告帝紂紂曰不有天命

乎昇何能為明年伐邠

徐廣曰邠城在野 王縣西北音平 明年伐崇侯

虎而作豐邑

徐廣曰豐在京兆鄠縣東有豐臺鎬在并昆明 北有鎬池去豐二十七里皆在長安南數十里

自岐下而徙都豐明年西伯崩

徐廣曰文王 九十七乃崩 太子發

立是為武王西伯蓋即位五十年其囚美里甚益
易之八卦為六十四卦詩人道西伯蓋受命之年
獲王而斷虞芮之訟後十年而崩證為文王改法
度制正朔矣追尊古公為太王公季為王季蓋王
瑞自太王興武王即位太公望為師周公旦為輔

石公畢公之徒左右王師修文王緒業九年武王

上祭于畢馬融曰畢文王墓地名也東觀兵至于盟津魯史曰維周

年東觀兵為文王未去載以車中軍武王自稱太

子發言奉文王以伐不敢自尊乃告司馬司徒司

空諸節馬融曰諸受符節有司也齊粟信哉予無知以先祖有德

臣小子受先功徐廣曰一云子受先功畢力賞罰以定其功遂

興師師尚父號曰鄭玄曰號之軍法重者總兩眾庶與爾舟楫

後至者斬武王渡河中流白魚躍入王舟馬融曰魚者介

麟之物兵象也白者殺家之正色言殷之兵衆與周之象也武王俯取以祭既渡有公自

上復于下至于王屋流為烏魯其色赤其聲魄云馬融曰

口王屋王所居屋屋流行也魄然安定意也鄭玄曰其言說云烏有孝名武王卒父大業故烏瑞臻亦者周之正色也是時諸侯

不期而會盟津者八百諸侯諸侯皆曰紂可伐矣

武王曰汝未知天命未可也乃還師歸居一年閏

紂昏亂暴虐滋甚殺王子比干囚箕子太師疵少

師強抱其樂器而犇周於是武王徧告諸侯曰殷

有重罪不可以不畢伐徐廣曰一作滅乃遵文王遂率戎車

三百乘虎賁三千人孔安國曰虎賁勇士稱也若虎賁言其猛也甲士四萬五

千人以東伐紂十一年十二月戊午師畢渡盟

津諸侯咸會曰孳孳無怠武王乃作太誓告于眾

庶今殷王紂乃用其婦人之言自絕于天毀壞其三

正馬融曰動造天地人也離邊其王父母弟鄭玄曰王父母弟祖父母之族必言弟庶親者言之也

乃斷弃其先祖之樂乃為淫聲用變亂正聲怡說

婦人徐廣曰怡一作辭故今予發維共行天罰勉哉夫子鄭玄

曰夫子又夫之稱不可再不可三二月徐廣曰一作正比建丑之月殷之正月周之二月也甲

子昧爽孔安國曰昧冥也爽明早旦也武王朝至於商郊牧野乃誓孔

國曰癸亥夜陳甲子朝誓言之武王左杖黃鉞右秉白旄孔安國曰鉞以黃金飾斧左手持鉞

示無事於誅右手把旄示有事於教令以麾曰遠矣西土之人孔安國曰勞苦之武王

曰嗟我有國家豈君馬融曰豈大也司徒司馬司空亞旅師氏

孔安國曰亞次旅衆大夫也其位次卿師氏大夫官以兵守門千夫長百夫長孔安國曰師率卒也及庸

蜀羌髡微孔安國曰八國皆蠻夷戎狄羌在蜀彭濮人彭在巴蜀濮在西北

稱爾弋稱爾弋孔安國曰稱舉也比爾干立爾矛予其

誓王曰古人有言牝雞無晨牝雞之晨惟家之索

今殷王紂維婦人言是用自弃今殷王紂維婦人言是用自弃

其先祖肆祀不答鄭玄曰肆祭名答問也昏弃其家國遺其王

父母弟不用乃維四方之多罪逋逃是崇是長是

信是使孔安國曰言紂弃其賢臣而事不選三罪人信用之也俾暴虐于百姓以茲

執于商國今予發維共行天之罰今日之事不過

六步七步乃止齊焉孔安國曰今日執事不過六步七步乃止相齊言皆速也夫子

勉哉夫子尚桓桓如虎如貔

如龍如犀孔安國曰

如難徐廣曰是于商郊不禦克年以役西土鄭玄曰

爾身有戮鄭玄曰誓已諸侯兵會者車四千乘陳

師牧野帝紂聞武王來亦發兵七十萬人距武王

武王使師尚父與百夫致師周禮環人堂其師鄭玄曰致師

者敵其必戰之志也古者將戰

先期三日而致師者御麻也而還樂伯曰吾聞致師者左射以策代御

師一作商紂師雖衆皆無戰之心心欲武王亟入

紂師皆倒兵以戰以開武王武王馳之紂兵皆崩

畔紂紂走反入登于鹿臺之上蒙衣其珠玉自燔

于火而死武王持大白旗以麾諸侯諸侯畢拜武

王武王乃捐諸侯諸侯畢從武王至商國商國百

姓咸待於郊於是武王使羣臣告語商百姓曰上

天降休商人皆再拜稽首武王亦答拜遂入至紂

死所武王自射之三發而后下車以輕劍擊之以

黃鉞斬紂頭縣大白之旗已而至紂之嬖妾二女

二女皆經自殺武王又射三發擊以劍斬以玄鉞

復軍去明日除道脩社及商紂宮及期百夫荷罕

旗以先驅蔡邕獨斷曰前驅有九旒雲罕東武王第叔振

鐘奉陳常車周公旦把大鉞畢公把小鉞以夾武

王散宜生太顛閎夭皆執劍以衛武王既入立于

在南北之左右畢從毛叔鄭奉明水周禮曰司烜氏以鑑取明水於

日取之也衛康叔封布茲徐廣曰茲者籍席之名諸侯病

召公奭釐采師尚父牽牲尹佚策祝曰殷之末

孫季紂殄廢先王明德侮蔑神祇不祀昏暴商邑

百然其章顯聞于天皇上帝於是武王再拜稽首

曰膺更大命革殷受天明命武王又再拜稽首乃

出封商紂子祿父殷之餘民武王為殷初定未集

乃使其弟管叔鮮蔡叔度相祿父治殷已而命召

公釋箕子之囚徐廣曰釋一作原命畢公釋百姓之囚表商

容之間命南宮括散鹿臺之財發鉅橋之粟以振

貧弱萌隸命南宮括史佚展九鼎保王徐廣曰保一作寶命

閎夭封比干之墓命宗祝享祠于軍乃罷兵西歸

行狩記政事作武成孔安國曰武功故也封諸侯班賜宗彝作

分殷之器物鄭文曰宗彝宗廟樽也武王追思先聖王

乃褒封神農之後於雋地理志弘農陝縣有雋城故雋國也黃帝之後

於堯帝堯之後於薊地理志有薊縣帝舜之後於陳大禹

之後於杞於是封功臣謀士而師尚父為首封封

尚父於營丘曰齊爾雅曰水出其東而左曰營丘郭璞曰今齊之營丘淄水過其南及東封弟

祝

周公旦於曲阜白魯

禮記曰曲阜在魯國中委曲長十八里

封乃公奭於

燕封弟叔鮮於營其叔度於蔡餘各以次受封武

王徵九牧之君登幽之阜以望商邑武王至于周

自夜不寐周公旦即王所曰曷為不寐王曰告女

維天不饗殷殷自發未生於今六十年麋鹿在牧

徐廣曰出周書及隨巢子云勇 豷鴻滿野天不享殷也今

有成維天建設殷其登名民三百六十夫不顯瘳不

賡滅徐廣曰一云不顯失亦不實 以至今我未定天祿何

暇寐王曰定天保依天室悉求夫惡貶從殷聖受

日夜勞來徐廣曰一 定我西土我維顯服及德功明

自洛納延于伊汭居易毋固其有夏之居

徐廣曰夏居河

王陽城 我南望三塗北望嶽鄙顧詹有河

徐廣曰武王問太公曰吾將因有夏 粵詹維伊母遠天室營

周居于維邑而後去縱馬於華山之陽牧牛於桃

林之虛孔安國曰桃 偃干戈振兵釋放公羊傳曰 示天下

不復用也武王已克殷後二年問箕子殷所以亡

箕子不忍言殺惡以存徐廣曰 亡國宜告武王亦

醜故問以天道武王病天下未集群公懼穆卜

周公乃夜齋自為質欲代武王武王有瘳後

雨崩徐廣曰武王克殷二年天下未寧而崩皇南禮曰武王

天子請代立是為成王成王少周初定

天下周公恐諸侯畔周公乃攝行政當國管叔蔡

叔羣弟疑周公與武庚作亂畔周周公奉成王命

伐誅武庚管叔放蔡叔以微子開代殷後國於宋

頹收殷餘民以封武王少弟封為衛康叔晉唐叔

舊嘉穀鄭立曰二苗同為一類獻之成王成王以歸周公于其所

齊廣曰歸周公受禾東土魯天子之命徐廣曰尚書序云旅天子之命

初管蔡畔周周公討之五年而畢定故初作大誥

次作微子之命孔安國曰封命之書次歸禾次嘉禾次康誥酒

誥梓材孔安國曰梓材以為政之義亦如梓人之治材也其事在周公之世備周公

行政七年成王長周公每政成王北面就群臣之

位成王在朝且使召公復營洛邑如武王之意周公

復卜申視卒營築居九鼎焉曰此天下之中四方

入貢道里均作召誥洛誥成王既遷殷遺民周公

以王命告作多士無佚召公為保周公為師東伐

淮夷殘奄鄭立曰奄在淮水之南遷其君薄姑馬融曰齊地成王省奄

歸汪宗周作多方孔安國曰多方在魯既紂躬命龍襲淮夷

歸在豐作周官鄭立曰周官分職用人興正禮樂

度制於是改而民和事以盡典何林曰頌聲者太平歌也成

三既伐東夷鄭立曰東夷在魯三賜樂伯作賄息慎之命

孔安國曰新君之立也
周同姓故曰諸侯也
成王將崩懼太子釗之不任

乃命召公畢公率諸侯以相太子而立之成王既

崩二公率諸侯以太子釗見於先王廟申告以文

王武王之所以為三業之不易務在節儉毋多欲

以篤信臨之作顧命之命故謂太子釗遂

立是為康王康王即位徧告諸侯宣告以文武之

業以申之作康誥故成康之際天下安寧刑錯四

十餘年不用應劭曰錯置也民不犯法無所置刑康王命作策畢公分

居里成周郊孔安國曰分別民之居里異其善作畢命康

王卒子昭王瑕立昭王之時王道微缺昭王南巡

狩不返卒於江上其卒不逝善謂之也立昭王子

滿是為穆王穆王即位春秋已五十矣王道衰微

穆王閱文武之道缺乃命伯冏孔安國曰伯冏名也申誡徐廣曰

太僕應劭曰太僕以周穆王所置也國之政作冏命復寧穆

王將征犬戎徐廣曰犬戎祭公謀父諫韋昭曰祭公之後為三卿謀父

子曰不可先王耀德不觀兵夫兵戢而時動動則

威觀則玩玩則無震韋昭曰是故周文公之頌昭

曰文公之頌曰昭我求懿德肆

于時昭先王保之昭

先王之於民也昭正其德而厚其性阜其財

求而利其器用明利害之辨韋昭曰以文修之使之
務利而辟害懷德而足威故能保世以滋大昔我
先王世后稷韋昭曰以服事虞夏及夏之
衰也弃稷不務或先王不密用失其官而自竄於
戎狄之間不敢怠業時序其德遵修其緒徐廣曰遵一作遵
修其訓典朝夕恪勤守以敦篤奉以忠信奔逝載
德不忝前人至于文王武王昭前之光明而加之
以慈和辜神保民無不欣喜商王帝辛大惡乎民
庶民不忍訶載武王以致戎于商牧是故先王非
務武也勤恤民隱而除其害也夫先王之制邦內

甸服邦外侯服侯衛賓服韋昭曰此摠言之也夷蠻要

服戎翟萊服甸服者祭韋昭曰侯服者祀侯服者祀韋昭曰賓服

者享韋昭曰要服者貢萊服者王韋昭曰

日祭月祀時享歲貢終王先王之順祀也韋昭曰

有不祭則修意韋昭曰先修志意以自責也畿內近知王意也有不祀則脩

言韋昭曰言號令也有不享則修文韋昭曰文典去也有不貢則脩名

有不王則修德韋昭曰遠人不王則脩文德以率之序成而

祭伐不祀征不享讓不貢告不王於是有所

辟有攻伐之兵有征討之備有威讓之會

有

之辭布令陳辭而有不至則增修於德

遠是以近無不聽遠無不服今自大畢伯

也徐廣曰犬戎之君犬戎氏以其職來王天子曰子

享征之且觀之兵無乃廢先王之訓而

吾聞大戎樹敦徐廣曰樹一作樹案書曰樹立也言大戎立性敦篤也率

守終純固其有以禦我矣王遂征之得四

白鹿以歸自是萊服者不至諸侯有不睦者

言於王作修刑辟鄭立曰書說云周穆王以甫侯為相王曰吁來南

土告汝祥刑孔安國曰告汝善用刑之禮也在今爾安百姓何擇

入王肅曰訓以安百姓之道當何所選擇乎非當選擇賢人何敬非其刑何居非其宜

與孔安國曰當何所敬非唯五刑乎兩造具備徐廣曰

五辭孔安國曰兩謂囚證造至也兩至五辭簡信正於

刑孔安國曰五辭簡核信有罪驗則正之於五刑矣五刑不簡正於五

核謂不應五刑當正五刑出金贖罪也五罰不服正於五過

五過從赦免之五過之疵官獄內獄閱實其罪孔安國曰

鈞其過馬融曰以此五過出入罪與犯法者等五刑之疑有赦五罰之

赦其審克之孔安國曰刑疑赦從罰刑疑赦從免其當清察能得其理也簡信有

有稽孔安國曰簡核誠信有合衆心無簡不疑共嚴夫

國曰無簡核誠信不聽治其黜辟疑赦其罰百

即錢也音刷孔安國曰六兩曰錢錢黃鐵也閱實其罪則辟疑赦

舊

狼

甫

國

非

口

疑

惟

威

率

其

倍灑徐廣曰一作五倍曰徒孔安國曰倍百為二百錢閱實其罪罪

罰倍差馬融曰倍二百為四百錢也差者二也閱實其罪罪

辟疑赦其罰五百徐廣曰一作六率閱實其罪罪

赦其罰千率閱實其罪墨罰之屬屬

曠罰之屬五百宮罰之屬三百大辟之罰屬

百五刑之屬三千命曰甫刑穆王立五十五年屬

子共王毆系扈立共王游於涇上密康公公

君姓有三女犇之其母曰必致之王列女傳曰康公姓陳氏夫

三為羣人三為眾女三為祭王田不取羣

下眾王御不參一族韋昭曰御妻官也參三也

夫粲美之物也眾以美物歸女而何德以堪之王

猶不堪況爾之小醜乎小醜備物終必亡康公不

獻一年共王滅密共王崩子懿王躋立懿王之時

王室遂衰詩人作刺懿王崩共王弟辟方立是為

孝三孝王崩諸侯復立懿王太子燹是為夷王夷

王崩子厲王胡立厲王即位三十年好利近榮夷

公大夫苾良夫諫厲王曰王室其將卑乎夫榮公

好專利而不知大難夫利百物之所生也天地之

所載也而有專之其害多矣天地百物皆將取焉

何可專也所怒甚多而不備大難以是教王王其

赦其

罪

辟

屬

屬

對

能文乎夫王人者將導利而布之上下者也使神
人百物無不得極其利猶曰怵惕懼恐之來也故
頌曰思文后稷克配彼天立我蒸民莫匪爾極大
雅曰陳錫載周以言文王布錫是不布利而懼難
乎故能載周以至於今今王學專利其可乎匹夫
專利猶謂之盜王而行之其歸鮮矣榮公若用周
必敗也厲王不聽卒以榮公為卿士用事王行暴
虐侈傲國人謗王召公諫曰韋昭曰召康公之後民不
堪命矣王怒得衛巫韋昭曰衛國之巫也使監謗者以告則殺
之其謗鮮矣諸侯不朝三十四年王益嚴國人莫

敢言道路以目韋昭曰以目相眇而也厲王喜告召公曰吾能

弭謗矣乃不敢言召公曰是鄭之也防民之口甚

於防水水壅而潰傷必多民亦如之是故為水

者決之使道為民者寬之使言故天子聽政使公

卿至於列士獻詩瞽獻曲韋昭曰樂舞也史獻書師箴瞽

賦韋昭曰無時二曰瞽賦瞽誦韋昭曰有眸子而無見曰瞽百

工諫庶人傳語韋昭曰庶人見時近臣盡規近臣

親戚補察瞽史教誨韋昭曰太師也者艾脩之韋昭曰者

而後王斟酌焉是以事行而不悖民之有

口也猶土之有山川也財用於是乎出猶其有原

隱行伏也言固曰下平日衣食於是乎生口之宣言也

善敗於是乎興行善而備敗所以產財用衣食者

也夫民慮之於心而宣之於口成而行之若壅其

口其與能幾何王不聽於是國莫敢出言三年乃

相與畔虜王厲王出奔於彘韋昭曰彘晉地漢屬

王太子靜匿召公之家國人聞之乃圍之召公曰

昔吾驟諫王王不從以及此難也今殺王太子王

其以我為讎而懟怒乎夫事君者險而不讎韋

山在危怨而不怒況事王乎乃以其子代王太子太

子竟得脫召公周公二相行政號曰共和共和十

四年厲王死于彘太子靜長於召公之家二相乃共

立之為王是為宣王宣王即位二相輔之脩政法

文武成康之遺風諸侯復宗周十二年魯武公來

朝宣王不修籍於千畝號文公諫曰韋昭曰千畝

王物也宣王昭曰文公號千畝之不可王弗聽三十九年戰于

千畝王師敗績于姜氏之戎韋昭曰西夷宣王既

亡南國之師乃料民於太原韋昭曰南國

仲山甫諫曰民不可料也宣王再不聽卒料民

四十六年宣王崩子幽王宮涅立韋昭曰幽王三年

西周三川皆震徐廣曰三川伯陽甫曰

幽王三年三川皆震伯陽甫曰

周將亡矣韋昭曰伯陽父周大夫也唐固曰伯陽父周柱下史之子也夫天地之氣不

失其序若過其序民亂之也韋昭曰民不敬也國秩而

不能出陰迫而不能蒸韋昭曰蒸氣迫之使不於是

有地震今三川實震是陽失其所而填陰也也

也陽失而在陰韋昭曰在陰下也原必塞原塞國必亡夫

水土演而民用也韋昭曰水二氣通為演也土無所演

民乏財用不亡何待昔伊洛竭而夏亡韋昭曰伊洛

也近河竭而商亡韋昭曰商人都衛河水所經也今周德若三代之季矣

其川原又塞塞必竭夫國必依山山川崩川竭亡

國之徵也川竭必山崩韋昭曰水泉竭枯而崩也若亡國不過

十年數之紀也韋昭曰數極於一終於十十則更轉口紀也天之所弃不過其

紀是歲也三川竭岐山崩三年幽王嬖愛褒姒褒

姒生子伯服幽王欲廢太子太子母申侯女而為

后後幽王得褒姒愛之欲廢申后并去太子宜曰

以褒姒為后以伯服為太子周太史伯陽讀史記

曰周亡矣昔自夏后氏之衰也有二神龍止於夏

帝庭而言曰余褒之二君虞翻曰龍能言也夏帝卜殺

之與去之與止之昔大吉卜請其祭而藏之乃吉

二而祭在積而去之韋昭曰積積也夏亡傳此器殷殷亡又

祭龍所吐沫法龍之精氣也

三年也曰龍集之

傳此器周比三代莫敢發之至厲王之末

厲王末

發而觀之紫流于庭不可除厲王使婦人裸而

諫之

韋昭曰諫譴呼也唐固曰羣呼曰諫

紫化為之玄龜以入王後宮後宮

之童妾既齒而遭之

意謂毀齒曰齒女七歲而齒也

既笄而孕無夫

而生子懼而弃之宣王之時童女謠曰壓弧箕服

實亡周國

韋昭曰山桑曰壓弧弓也箕木名服矢房也

於是宣王聞之有夫

婦賣是器者宣王使執而戮之逃於道而見鄉

者後宮童妾所弃妖子

徐廣曰妖一作妖

出於路者聞其

夜啼哀而收之夫婦遂亡錡於襄襄人有罪請入

童妾所弃女子者於王以贖罪弃女子出於襄是

為褒姒當幽王三年王之後宮見而愛之生王子伯

服竟廢申后及太子以褒姒為后伯服為太子

史伯陽曰禍成矣無可奈何褒姒不好笑幽王欲

其笑萬方故不笑幽王為逢災遼大鼓有寇至則舉

烽火諸侯悉至至而無寇褒姒乃大笑幽王說之

為數舉逢災火其後不信諸侯益亦不至幽王以說

石父為卿用事國人皆怨石父為父佞巧

善諛好利王用之又廢申后去太子也申侯怒與

緡西夷犬戎攻幽王幽王舉烽火徵兵兵莫至

殺幽王驪山下虜褒姒盡取周賂而去

紀年曰自

於五元二日於是諸侯乃即申侯而共立故幽王太子五十七年也

宜曰是為平王以奉周祀平王立東遷于維維邑

戎寇平王之時周室衰微諸侯強并弱齊楚秦

晉始大政由方伯周禮四十九年魯隱公

即位五十一年平王崩太子洩父蚤死立其子洩楨

是為桓王桓王平王孫也桓王三年鄭莊公朝桓

王不禮五年鄭怨與魯易許田許田天子之用事

太山田也八年魯殺隱公立桓公十三年伐鄭鄭

射傷桓王桓王去歸二十三年桓王崩子莊王立

立莊王四年周公黑肩欲殺莊王而立王子克克

曰莊王弟辛伯告王賈逵曰辛伯王殺周公王子克子儀也

燕十五年莊王崩子釐王胡齊立釐王三年齊桓

公始霸五年釐王崩子惠王閻立惠王二年初莊

王嬖妣姚生子穰穰有寵及惠王即位奪其大臣

圉以為囿左傳曰大故大夫邊伯等五人作亂左傳曰

為國邊伯詹父謀召燕衛師伐惠王惠王犇温已居子禽祝跪也

鄭之櫟服虔曰櫟立釐王弟穰為王樂及徧舞賈逵

舞六代鄭虢君怒四年鄭與虢君伐殺王穰復入惠

王惠王十年賜齊桓公為伯二十五年惠王崩子

襄王鄭立襄王母早死後母曰惠后左傳曰陳嬀婦于

惠后生叔帶有寵於惠王襄王畏之三年叔帶與

戎翟謀伐襄王襄王欲誅叔帶叔帶奔齊齊桓公

使管仲平戎于周使隰朋平戎于晉服虔曰戎伐周晉

王以上卿禮管仲管仲辭曰臣賤有司也有天子

之二守國高在杜預曰國子高子天子所命為齊守臣皆上卿也若節春秋來承

王命何以禮焉賈逵曰節時也王肅曰春秋時享之節也陪臣敢辭服虔曰陪

之臣於天子故曰陪臣王曰舅氏余嘉乃勳賈逵曰舅氏言伯舅之使也毋逆

朕命管仲卒受下卿之禮而還九年齊桓公卒十

二年叔帶復歸于周左傳曰王召之十三年鄭伐滑賈逵曰滑

駟案左傳曰滑人叛鄭而服於衛也王使游孫伯服請滑賈逵曰二子周大夫鄭人囚

之鄭文公怨惠王之入不與厲公爵服虔曰惠王以后之權與與鄭厲公

而獨與虢公王爵又怨襄王之與衛滑服虔曰滑小國近鄭世世服從而更違叛鄭師伐之聽命

後自期於王王以與衛故囚伯服王怒將以翟伐鄭富辰諫服虔曰富辰

展周大夫曰凡我周之東徙晉鄭焉依子續之亂又鄭之

由定今以小怨弃之王不聽十五年王降翟師以

伐鄭王德翟人將以其女為后富辰諫曰平桓在

惠皆受鄭勞王弃親親翟不可從王不聽十六年

王紕翟后翟人來誅殺譚伯唐固曰譚伯周大夫原伯毛伯也富辰曰

吾數諫不從如是不出王以我為懟乎乃以其屬

死之初惠后欲立王子帶故以黨開翟人翟人遂

入周襄王出奔鄭鄭居王於汜杜預曰鄭南汜在襄城縣南子帶立

為王取襄王所絀翟后與居温十七年襄王告急

于晉晉文公納王而誅叔帶襄王乃賜晉文公珪

鬯弓矢為伯以河內地與晉二十年晉文公召襄

王襄王會之河陽踐土賈逵曰河陽晉之温也諸侯畢朝

書曰諱曰天王狩于河陽左傳曰仲尼曰以臣召君不可以訓故書曰狩二十四年

晉文公卒三十一年秦穆公卒三十二年襄王崩

子頃王壬臣立頃王六年崩子匡王班立匡王六

年崩弟瑜立是為定王定王元年楚莊王伐陸渾

之戎地理志陸渾縣屬弘農郡次洛使人問九鼎王使王孫滿應設

以辭賈逵曰王孫滿周大夫也楚典乃去十年楚莊王圍鄭鄭伯

降已而復之十六年楚莊王卒二十年定王崩子

簡王夷立簡十三年晉殺其君厲公迎子周於周

立為悼公十四年簡王崩子靈王泄心立靈

王二十四年齊崔杼弑其君莊公二十七年靈王

崩皇鑑曰靈王家在河南城西南柏亭西山上蓋以靈王生而有髭而神故謚靈王其家民祀不絕子景王貴

立景王十八年后太子聖而早卒二十年景王愛

朝賈逵曰景王其城并園欲立之會崩皇鑑曰景王家在洛陽大倉中秦封呂不韋洛陽十萬戶故大

子朝攻殺猛猛為悼王晉人攻子朝而立西是為

景王

子朝

景王

景王

敬王費遠曰敬王猛母弟敬王元年晉人入敬王子朝自立敬王

不得入居澤費遠曰澤邑周地也四年晉率諸侯入敬王子周

子朝為臣春秋曰子朝奔楚皇臨見曰子朝家在南陽西鄂縣今西鄂趙氏自謂子晁後也諸侯城周

十六年子朝之徒復作亂敬王奔于晉十七年晉

定公遂入敬王于周三十九年齊田常殺其君簡

公四十一年楚滅陳孔子卒四十二年敬王崩徐

皇甫謐曰敬王四十四年元巳知崩壬戌也子元仁立徐廣曰世本元貞王介也元王八年

崩子定王介立徐廣曰世本元王赤也皇甫謐曰元王十一年癸未三晉滅智伯二十八年崩三子爭立立應為

貞定王十六年三晉滅智伯分有其地二十八年

定王崩徐廣曰皇甫謐曰貞定王十年元癸亥崩壬申長子去疾立是為哀王

哀王立三月弟叔襲殺哀王而自立是為思王思

王立五月少弟嵬攻殺思王而自立是為考王此

三王皆定王之子考王十五年崩徐廣曰皇甫謐曰考王元年辛丑崩乙卯

威烈王午立考王封其弟于河南是為桓公以續

周公之官職桓公卒子威公代立威公卒子惠公

代立乃封其少子於鞏徐廣曰惠公之子也以奉王號東周惠

惠公威烈王二十三年九鼎震命韓魏趙為諸侯

二十四年崩徐廣曰皇甫謐曰元丙辰崩巳卯子安王驕立

是歲盜殺楚聲安王立二十六年崩皇甫謐曰安王元年庚辰崩

子烈王喜立烈王二年周太史儋見秦獻公曰

三十三

始周與秦國合而別別五百載復合應劭曰周孝王時

別五百載至昭王時西周君臣自歸受罪獻其邑三十六城金韋昭曰周封秦為始別謂秦仲也五百載謂從秦仲至孝公強大頭王致與之親合也

合十七歲而霸王者出焉徐廣曰從此後十七年而秦昭王立駟案韋昭曰武王昭王皆伯至

始皇而十年烈王崩弟扁立是為顯王顯王五年

賀秦獻公獻公稱伯九年致文武胙於秦孝公胙

肉也左傳曰王使宰孔賜齊侯胙曰天子有事於文武二十五年秦會諸侯於周

二十六年周致伯於秦孝公三十三年賀秦惠

王三十五年致文武胙於秦惠王四十四年秦惠

王稱王其後諸侯皆為王四十八年顯王崩子慎

親王定立慎親王立六年朋子報王延熹王報時

東西周分治王赧徙都西周西周武公徐廣曰惠公之長子

之共太子死有五庶子毋適立司馬翦謂楚王曰

不如以地資公子欲為請太子左成曰不可周不

聽是公之知困而交疏於周也不如請周君孰欲

立以微告翦翦請令楚賀之以地果立公子欲為

太子八年秦攻宜陽楚救之而楚以周為秦故將

伐之蘇代為周說楚王曰何以周為秦之禍也言

周之為秦甚於楚者欲令周入秦也故謂周秦也

周知其不可解必入於秦此為秦取周之精者也

為王計者周於秦因善之不於秦亦言善之以疏

之於秦周絕於秦必入於郢矣秦借道兩周之間
將以伐韓周恐借之畏於韓不借畏於秦史厭謂
周君曰何不令人謂韓徐廣曰一作何應劭曰氏始注云以何姓為韓後去公叔曰秦之敢絕周而伐韓者信東周也公何不與周地
發質使之楚秦必疑楚不信周是韓不伐也又謂
秦曰韓強與周地將以疑周於秦也周不敢不受
秦必無辭而令周不受是受地於韓而聽於秦秦
召西周君西周君惡往故令人謂韓王曰秦召西
周君將以伐攻王之南陽也王何不出兵於南陽
周君將以為辭於秦周君不入秦秦必不敢踰河

而攻南陽矣東周與西周戰韓救西周或為東周
說韓王曰西周故天子之國多名器重寶王案兵
毋出可以德東周而西國之寶必可以盡矣王報
謂成君楚圍雍氏徐廣曰陽翟雍氏城戰國策曰韓兵入西周西周令成君辨說秦求救當是說此事而脫誤也
韓徵甲與粟於東周東周君恐召蘇代而告之代
曰君何患於是臣能使韓毋徵甲與粟於周又能
為君得高都徐廣曰今河南新城縣高都城也周君曰子苟能請以國
聽子代見韓相國曰漢書曰百官表曰相國秦官駟謂韓亦有相國然則諸國共放秦也楚圍
雍氏期三月也今五月不能拔是楚病也今相國
乃徵甲與粟於周是告楚病也韓相國曰善使者

已行矣代曰何不與周高都韓相國大怒曰吾毋
 徵甲與粟於周亦已多矣何故與周高都也代曰
 與周高都是周折而入於韓也秦聞之必大怒忿
 周即不通周使是以弊高都得完周也曷為不與
 相國曰善果與周高都三十四年蘇厲謂周君曰
 秦破韓魏扑師武徐廣曰扑一作仆戰國策北取趙藺離
 石者地理志曰西河有趙藺離石二縣皆白起也是善用兵又有天命
 今又將兵出塞攻梁梁破則周危矣君何不令人
 說白起乎曰楚有養由基者善射者也去柳葉百
 步而射之百發而百中之左右觀者數千人皆曰

善射有一夫立其旁曰善可教射矣養由基怒釋
 弓搯劍曰客安能教我射乎客曰非吾能教子支
 左誦右也夫去柳葉百步而射之百發而百中之
 不以善息少焉氣衰力倦弓撥矢鉤一發不中者
 百發盡息今破韓魏扑師武北取趙藺離石者公
 之功多矣今又將兵出塞過兩周倍韓攻梁一舉
 不得前功盡棄公不如稱病而無出四十二王秦
 破華陽約一作魯馬犯謂周君曰請令梁城周乃請
 梁王曰周王病若死則犯必死矣犯請以九鼎
 自入於王王受九鼎而圖犯梁王曰善遂與之卒

水經注卷之四十一

言戍周因謂秦王曰梁非戍周也將代周也三試
 出兵境以觀之秦果出兵又謂梁王曰周王病甚
 矣犯請後可而復之今王使卒之周諸侯皆生心
 後舉事且不信不若令卒為周城以匿事端梁王
 曰善遂使城周四十五年周君之秦客謂周最曰
 公不若與言秦王之考因以應為太后養地徐廣曰地理志云應
今潁川父城縣應鄉是也秦王必喜是必有秦交交善周王必以
 為公功交惡勸周君入秦者必有罪矣秦攻周而
 最謂秦王曰為王計者不攻周攻周實不足以利
 聲畏天下天下以聲畏秦■必東合於齊無敵於

周合天下於齊則秦不王至天下欲獎秦勸王攻
 周秦與天下弊則令不行矣五十八年三晉距秦周
 令其相國之秦以秦之輕也還其行客謂相國曰秦之
 輕重未可知也秦欲知三國之情公不如急見秦王曰
 請為王聽東方之變秦王必重公重公是秦重周
 周以取秦也齊重則固有周聚徐廣曰一作最亦古之聚字以收
 齊是周常不失重國之交也秦信周發兵攻三晉五
 十九年秦取韓陽城負忝徐廣曰陽城有負忝聚西周恐倍秦與
 諸侯約從文穎曰關東為從關西為橫孟康曰南北為從東方為橫瓚曰以利合曰從以威勢相脅曰橫將天
 下銳師出伊闕攻秦令秦無得通陽城秦昭王怒

史記卷之二十五 秦本紀第五

使將軍摎

漢書百官表曰前後左右將軍皆周末官也

攻西周西周君奔其秦

頸首受罪盡獻其邑三十六口三萬秦受其獻歸

其君於周周君王赧卒

宋忠曰謚曰西周武公

周民遂東亡秦取九

鼎寶器而遷西周公於囂狐

徐廣曰囂音憚囂狐聚與陽人聚相近在洛陽南百五十

里梁新後七歲秦莊襄王滅東周

徐廣曰周比亡之時凡七縣河南洛陽谷

城平陰偃師鞏維氏

東西周皆入于秦周既不祀

皇紀謚曰周凡百七十王八百六十七年

太史公曰學者皆稱周伐紂居洛邑綜其實不然

武王營之成王使召公卜居居九鼎焉而周復都

豐鄩至犬戎敗幽王周乃東徙于洛邑所謂周也

葵戎畢畢在鎬東南杜中

徐廣曰一作杜

秦滅周漢興

有餘載天子將封太山東巡狩至河南求周

封其後嘉三十里地號曰周子南君

瓚曰汲冢古文

南彌牟其後有子南勁朝于魏後惠成王如衛命子南為比列侯

侯秦并六國衛最為後疑嘉是衛後故氏子南而稱君也

以奉其先祭祀

徐廣曰自周亡乙巳至元鼎四年戊午一百四十四年漢之九十四年也漢武元鼎四年封

周本紀卷第四

秦本紀第五

史記五

秦之先帝顓頊之苗裔孫曰女脩女脩織玄鳥墮
卵女脩吞之生子大業大業取少典之子曰女華
女華生大費與禹平水土已成帝錫玄圭禹受曰
非予能成亦大費為輔帝舜曰咨爾費禘禹受其
賜爾阜游爾後嗣將大出乃妻之姚姓之五女

曰皇甫謐云賜之玄
王妻以姚姓之女也

大費拜受佐舜調馴鳥獸鳥獸

馴服是為柏翳舜賜姓嘉氏大費生子二人一曰

大廉實為俗氏二曰若木實為費氏其玄孫曰費昌

子孫或在中國或在夷狄費昌當夏桀之時去夏

歸商為湯御以敗桀於鳴條大康玄孫曰王季

衍鳥身人言帝大戊聞而卜之使御言遂至使御

而妻之自太戊以下中衍之後遂世有功以佐殷

國故嬴姓多顯遂為諸侯其玄孫曰中湏

西戎保西垂生蜚廉蜚廉生惡來惡來有力

裂虎蜚廉善走父子俱以材力事殷紂周武

伐紂并殺惡來是時蜚廉為紂石北嶺徐廣

於此還無所報為壇霍太山地理志霍太山在河東縣

石棺銘曰帝令處父不與虢亂賜爾名棺以華氏

死遂葬於霍太山皇甫謐云去霍縣十五里有冢常祠之蜚廉復有子曰

季勝季勝生孟增孟增幸於周成王是為宅皐狼

皐狼生衡父衡父生造父造父以善御幸於周繆

王得驥温驪徐廣曰温一作盜駟案郭璞曰色如華

赤者為棗駟馬耳之四郭璞曰紀年云北唐之君來見以一驪馬

案穆天子傳穆王有八西巡狩樂而忘歸郭璞曰紀年云穆王二十

年西徐偃王作亂地理志臨淮有徐縣云故徐國造父

為繆王御長驅歸周以救亂繆王以趙城封造父

造父曰趙城在造父族由此為趙氏自蜚廉生季勝已

下五世至造父別居趙趙衰其後也惡來革者蜚

城几

周天子大駱大駱生非子以造父之寵皆蒙趙城姓趙氏非子居犬丘徐廣曰今槐里也好馬及畜善養息之犬丘人言之周孝王孝王召使主馬于汧渭之

間

重馬大蕃息孝王欲以為大駱適嗣申侯之女為

大駱妻生子成為適申侯乃言孝王曰昔我先駟

山之女為戎胥軒妻生中潏以親故歸周保西垂

西垂以其故和睦今我復與大駱妻生適子成由

駱

重婚西戎皆服所以為王王其圖之於是孝主

曰昔柏翳為舜主畜畜多息故有土賜姓嬴今其

後世亦為朕息馬朕其分土為附庸邑之秦徐廣曰今天水

隴西縣秦也

使復續嬴氏祀號曰秦嬴亦不亡申侯之女

子為駱適者以和西戎秦嬴王秦侯秦侯立十年

卒生公伯公伯立三年卒生秦仲秦仲立三年周

厲王無道諸侯或叛之西戎方王室滅犬丘大駱

之族周宣王即位徐廣曰秦仲之十八年也乃以秦仲為大夫誅西

戎西戎殺秦仲秦仲立二十三年死於戎毛詩序曰秦仲始大

有車馬禮樂詩御之好也有子五人其長者曰莊公周宣王乃召

莊公昆弟五人與兵七千人使伐西戎破之於是

復予秦仲後及其先大駱地犬丘并有之為西垂

大夫莊公居其故西犬丘生子三人其長男世父

世父曰戎殺我大父仲我非殺戎王則不敢入邑
遂將擊戎讓其弟襄公襄公為太子莊公立四十
四年卒太子襄公代立襄公元年以女弟繆嬴為豐
王妻襄公二年戎圍大丘世父世父擊之為戎人
所虜歲餘復歸世父七年春周幽王用褒姒廢太
子立褒姒子為適數欺諸侯也諸侯叛之西戎犬戎
與申侯伐周殺幽王酈山下也秦襄公將兵救周
戰甚力有功周避犬戎難東徙也雒邑襄公以兵送
周平王平王封襄公為諸侯盟也岐以西之地曰
戎無道侵奪我岐豐之地秦能也攻逐戎即有其地

與誓封爵之襄公於是始國與諸侯通使聘享之

禮乃用駟駒

徐廣曰赤馬黑鬣田駟

黃牛羝羊各三祠上帝西

時

徐廣曰年表云立曰時祠上帝

十二年伐戎而至岐卒生文公文公

元年居西垂宮三年文公以兵七百人東獵四年

至汧渭之會曰昔周邑我先秦嬴於此後卒獲為

諸侯乃卜居之占曰吉即營邑之十年初為酈時

用三年十三年初有史以紀事民多化者

十六年文公以兵伐戎戎敗走於是文公遂收周

餘民有之地至岐岐以東獻之周十九年得陳寶

二十二年法初有三族之罪

張晏曰父姪兄弟妻子女如真曰父族母族妻族

二十

七年伐南山大梓豐大特徐廣曰今武都故道有大梓

四十八年文公太子卒賜諡為靖公徐廣曰文

文公立葬西山徐廣曰魯南論云葬於西山在今隴西之西縣靖公子立是為

寧公徐廣曰一作曼寧公二年公徙居平陽徐廣曰平陽在遣兵伐

潁陽徐廣曰潁陽在潁水之南三年與亳戰亳王奔戎遂滅蕩社徐廣曰

潁陽徐廣曰潁陽在潁水之南四年魯公子翬弑其君隱公十二年伐

潁陽氏取之寧公生十歲立立十二年卒葬西山生

子三人長男武公為太子武公弟德公同母魯姬

子生出子寧公卒大庶長弗忌威壘三父廢太子

而立出子為君出子六年三父等復共令人賊殺

出子出子生五歲立立六年卒三父等乃復立故

太子武公武公元年伐彭戲氏至于華山下居平

陽封宮三年誅三父等而夷三族以其殺出子也

鄭高渠昧殺其君昭公十年伐邾翼戎初縣之地理

十一年初縣杜鄭地理志京兆有

十三年齊人管至父連稱等殺其

君襄公而立公孫無知晉滅霍魏耿齊雍廩殺無

知管至父等而立齊桓公齊晉為強國十九年晉

曲沃始為晉侯宣桓公伯於鄆二十年武公卒葬

曲沃始為晉侯宣桓公伯於鄆二十年武公卒葬

曲沃始為晉侯宣桓公伯於鄆二十年武公卒葬

雍 君

齊平陽初以人從死從死者六十六人有子一人
名曰白白不立封平陽立其弟德公德公元年初

葬雍城徐廣曰今在扶風大鄭宮以犧三百牢祠廊時卜

後子孫飲馬於河梁伯芮伯來朝二年初伏孟

初日初也周至此乃有之以狗禦蠱徐廣曰年表云初作伏社梁均邑四門也德公生

三十三歲而立立二年卒生子三人長子宣公中

子成公少子穆公長子宣公元年衛燕伐

齊出惠王立王子穰三年鄭伯虢叔殺子穰而入

惠王四年作密時與晉戰河陽勝之十二年宣公

卒生子九人莫立立其弟成公元年梁伯芮

伯來朝桓公伐山戎次于孤竹成公立四年春

子七人莫立立其弟繆公繆公任好元年自將伐

茅津勝之四年迎婦於晉晉太子申生歸也其歲

齊桓公伐楚至郟陵五年晉獻公滅虞虢虜虞君

與其大夫百里偃以對馬駘於虞故也既虜百里

偃以為秦繆公夫人媵於秦百里偃亡秦走宛

志南陽有宛縣楚鄙人執之繆公聞百里偃賢必重贖之

楚人不與乃使人謂楚曰吾媵百里偃在焉請

以五羖羊皮贖之楚人遂許與之當是時百里偃

年已七十餘繆公釋其囚與語國事謝曰臣亡國

之臣何足問繆公曰盧若不用子故亡秦子罪也
 固問語三日繆公大說授之國政號曰五羸大夫
 百里傒讓曰臣不及臣友蹇叔蹇叔賢而世貴夫知
 臣嘗游困於齊而乞食餼人一作曰蹇叔救臣臣
 因而欲事齊君無知蹇叔止臣臣得脫齊難遂之
 周周王子頹好牛臣以養牛干之及頹欲用臣蹇
 叔止臣臣去得不誅事虞君蹇叔止臣臣知虞君
 不用臣臣誠私利祿爵且留再用其言得脫一不
 用及虞君難是以知其賢於是穆公使人厚幣迎
 蹇叔以為上大夫秋穆公自將伐晉戰於河曲

一作西鞮案公羊傳曰河十里而一曲也
 河曲晉地杜預曰河曲在蒲坂也晉驪姬作亂太子

申生死新城重耳夷吾出奔九年齊桓公會諸侯
 於葵丘晉獻公卒立驪姬子奚齊其臣里克殺奚
 齊荀息立卓子一作曰克又殺卓子及荀息夷吾使
 人請秦求入晉於是繆公許之使百里傒將兵送
 夷吾夷吾謂曰誠得立請割晉之河西八城與秦
 及至已立而使不鄭謝秦晉約不與河西城而殺
 里克不鄭聞之恐因與繆公謀曰晉人不欲夷吾
 實欲重耳今昔秦約而殺里克皆呂甥郤芮之計
 也願君以利害召呂郤芮至則更入重耳使繆

公許之使人與不鄭歸召呂卻等疑不鄭有
 聞乃言夷吾殺不鄭子不豹奔秦說繆公曰
 晉君無道百姓不親可伐也繆公曰百姓苟不便
 何故能誅其大臣能誅其大臣此其調也弗聽而
 陰用豹十二年齊管仲隰朋死晉旱來請粟不豹
 說繆公勿與因其飢而伐之繆公問公孫支服虔曰
 支曰飢穰更事耳不可不與問百里傒傒曰夷
 吾得罪於君其百姓何罪於是用百里傒公孫支
 言卒與之粟以船漕車轉自雍相望至絳秦國都
 十四年秦飢請粟於晉晉君謀之群臣說射曰

因其飢伐之可有大功晉君從之十五年興兵將
 攻秦繆公發兵使不豹將自往擊之九月壬戌與
 晉惠公夷吾合戰於韓地晉君棄其軍與秦爭利
 還而馬驚繆公與麾下馳追之不能得晉君反為
 晉軍所圍晉擊繆公繆公傷於是岐下食善馬者
 三百人馳冒晉軍晉軍解圍遂脫繆公而反生得
 晉君初繆公亡善馬岐下野人共得而食之者三
 百餘人吏逐得欲法之繆公曰君子不以畜產害
 人吾聞食善馬肉不飲酒傷人乃皆賜酒而赦之
 三百人者聞秦擊晉皆求從從而見繆公窘亦皆

公治三年

監生孫惠錄

相鋒爭死以報食馬之德於是繆公虜晉君以歸
令於國齋宿吾將以晉君祠上帝周天子聞之曰
晉我同姓為請晉君夷吾姊亦為繆公夫人夫人
聞之乃衰經跣曰妾兄弟不能相救以辱君命繆
公曰我得晉君以為功今天子為請夫人是憂乃
與晉君盟許歸之更舍上舍而饋之七牢賈逵曰諸侯唯備七牢牛一羊一豕一為一牢也十一月歸晉君夷吾夷吾獻其河西地
使太子圉為質於秦秦妻子圉以宗女是時秦地
東至河十八年齊桓公卒二十年秦滅梁芮二十
二年晉公子圉聞晉君病曰梁我母家也而秦滅

之我兄弟多即君百歲後秦必留我而晉輕亦更
立他子子圉乃亡歸晉二十三年晉惠公卒子圉
立為君秦怨圉亡去乃迎晉公子重耳於楚而妻
以故子圉妻重耳初謝後乃受繆公益禮厚遇之
二十四年春秦使人告晉大臣欲入重耳晉許之
於是使人送重耳二月重耳立為晉君是為文公
文公使人殺子圉子圉是為懷公其秋周襄王弟
帶以翟伐王王出居鄭二十五年周三使人告晉難
於晉秦秦繆公將兵助晉文公入襄王殺王弟帶
二十八年晉文公敗楚於城濮三十年繆公為晉

文公圍鄭鄭使人言繆公曰亡鄭厚晉且秦亦得
矣而秦未有利晉之強秦之憂也繆公乃罷去歸
晉亦罷三十二年冬晉文公卒鄭人有言秦將
曰我主其城門鄭可襲也繆公問蹇叔百里奚對
曰徑數國千里而襲人希有得利者且人賣鄭庸
知我國人不有以我情告鄭者乎不可繆公曰子
不知也吾已決矣遂發兵使百里奚子孟明視蹇
叔子西乞術及白乙丙將兵行且百里奚蹇叔二
人哭之繆公聞怒曰孤發兵而子沮哭吾軍何也
二老曰臣非敢沮君軍軍行臣子與往臣老遲還

恐不相見故哭耳二老退謂其子曰汝軍即敗必
於穀阨矣三十三年春秦兵遂東更晉地過周北
門周王孫滿曰秦師無禮不敗何待兵至滑鄭販
賣賈人弦高持十二牛將賣之周見秦兵恐死虜
因獻其牛曰聞大國將誅鄭鄭君謹修守禦備使
臣以牛十二勞軍士秦三將軍相謂曰將襲鄭
今已覺之往無及已滅滑滑晉之邊邑也當是時
晉文公喪尚未葬太子襄公怒曰秦侮我孤因
破我滑遂墨衰絰發兵遮秦兵於穀擊之大敗秦
軍無一人得脫者虜秦三將以歸文公夫人秦女

也服虔曰繆公女為秦三囚將請曰繆公之怨此三人

骨髓願令此三人歸令我君得自使鬼之

之歸秦三將三將至繆公素服郊迎嚮三人哭曰

孤以不用百里奚蹇叔言以辱三子三子何罪乎

子其悉心雪恥毋怠遂復三人官秩如故愈益

之三十四年楚太子商臣弒其父成王代立繆公

於是復使孟明視等將兵伐晉戰于彭衙

西北有衙城秦不利引兵歸戎王使由余於秦由余其先

晉人也亡入戎能晉言聞繆公賢故使由余觀秦

秦繆公示以宮室積聚由余曰使鬼為之則勞神

矣使人為之亦苦民矣繆公怪之問曰中國以詩

書禮樂法度為政然尚時亂今戎夷無此何以為

治不亦難乎由余笑曰此乃中國所以亂也夫自

上聖黃帝作為禮樂法度身以先之僅以小治及

其後世日以驕淫阻法度之威以責習於下下

極則以仁義怨望於上上下下交爭怨而相篡

於滅宗皆以此類也夫戎夷不然上含德德以

其下下懷忠信以事其上國之政猶一身之

不知所以治此真聖人之治也於是繆公退而問

內史廖曰漢書百官表曰內史周官也孤聞鄰國有聖人敵國之

入於

君許

厚

也今由余賢寡人之害將奈之何內史季曰戎不

處辟匿未聞中國之聲君試遺其女樂以奪其志

戎王怪之必疑由余君臣有間乃可虜也且戎王

好樂必怠於政繆公曰善因與由余曲席而坐傳

器而食問其地形與其兵勢盡營而后舍內史廖

以女樂二八遺戎王戎王受而說之終年不還於

是秦乃歸由余由余數諫不聽繆公又數使人間

要由余由余遂去降秦繆公以客禮禮之問伐戎

之形三十六年繆公復益厚孟明等使將兵伐晉

渡河焚船大敗晉人取王官及郿徐廣曰左傳作郟駟

能以報殺之役晉人皆城守不敢出於是繆公乃

自茅津徐廣曰在大陽渡河封殺中尸賈逵曰封識之為發喪哭之三

日乃誓於軍曰嗟士卒聽無譁余誓是汝古之人

謀黃髮番番則無所過以申思不用蹇叔百里傒

之謀故作此誓令後世以記余過君子聞之皆為

垂涕曰嗟乎秦繆公之與人周也服虔曰卒得孟明

之慶三十七年秦用由余謀伐戎王益國十二開

地千里遂霸西戎天子使召公過賀繆公以金鼓

三十九年繆公卒葬雍皇覽曰秦繆公家在從死者百

七十七人秦之良臣子輿氏三人名曰奄息仲行
鍼虎亦在從死之中秦人哀之為作歌黃鳥之詩
君子曰秦繆公廣地益國東服強晉西霸戎夷然
不為諸侯盟主亦宜哉然而棄民收其良臣而從
死且先王崩尚猶遺德垂法況奎之善人良臣百
姓所哀者乎是以知秦不能復東征也穆公子四
十人其太子榮代立是為康公元年往歲繆
公之卒晉襄公亦卒襄公之弟名雍秦出也在秦
晉趙盾欲立之使隨會不迎雍秦以兵送至令狐
杜預曰晉立襄公子而反擊秦師秦師敗隨會來奔
在河東

二年秦伐晉於武城報令狐之役四年晉伐秦取

少梁六年秦伐晉取羈馬服也戰於河曲大敗晉

軍晉人患隨會在秦為亂乃使魏餘服也曰晉之詳

反合謀會訖而得會會遂歸曰康公立十二年卒

子共公立共公二年晉趙穿私其君靈公三年楚

莊王強北兵至雒問周鼎共公立五年卒子桓公

立桓公三年晉敗我一將十年楚莊王服鄭北敗

晉兵於河上當是之時楚霸為會明盟合諸侯二十

四年晉厲公初立與秦桓公夾河而盟歸而秦倍

盟與翟合謀擊晉二十六年晉率諸侯伐秦秦軍

敗走追至涇而還桓公立二十七年卒子景公立

徐廣曰世本云景公名后伯車也

景公四年晉欒書弒其君厲公十五年

年救鄭敗晉兵於櫟杜預曰是時晉悼公為盟主年

八年晉悼公強數會諸侯率以伐秦敗秦軍秦軍

走晉兵追之遂渡涇至棧林徐廣曰棧音域還

十七年景公如晉與平公盟已而背之三十六年

楚公子圍弒其君而自立是為靈王景公母弟居

子鍼有寵景公母弟富或譖之恐誅乃奔晉車重

千乘晉平公曰后子富如此何以自立對曰秦公

無道畏誅欲待其後世乃歸三十九年楚靈王薨

會諸侯於申為盟至殺齊慶封景公立四十年卒

子哀公立后子復來歸秦哀公八年楚公子棄疾

弒靈王而自立是為平王十一年楚平王來求秦

女為太子建妻至國女好而自娶之十五年楚平

王欲誅建建亡伍子胥奔吳晉公室卑而六卿強

欲內相攻是以久秦晉不相攻三十一年吳王闔

閭與伍子胥伐楚楚王亡奔隨吳遂入郢楚大夫

申包胥來告急七日不食日夜哭泣於是秦乃發

五百乘救楚敗吳師吳師歸楚昭王乃得復入郢

哀公立三十六年卒太子夷公夷公早死不得立

立夷公子是為惠公惠公元年孔子行魯相事五年晉卿中行范氏反晉晉使智氏趙簡子攻之范中行氏亡奔齊惠公立十年卒子悼公立悼公六年齊臣田乞弒其君孺子立其兄陽生為悼公六年吳敗齊師齊人弒悼公立其子簡公九年魯定公與吳王夫差盟爭長於黃池卒先吳徐廣曰外傳云吳王先戰吳彊陵中國十二年齊田常弒簡公立其弟平公常相之十三年楚滅陳秦悼公十四年卒子厲共公立孔子以悼公十二年卒厲共公二年蜀人來賂十六年灤河旁以兵二萬伐大荔取其王城

徐廣曰今之臨晉也臨晉有王城

二十一年初縣潁陽

地里志潁陽縣

晉取

武成二十四年晉亂殺智伯分其國與趙韓魏二十五年智開與邑人來奔徐廣曰一本二十六年城南鄭也二十三年伐義渠虜其王應劭曰義渠比地也二十四年日食厲共公卒子蹀公立蹀公二年南鄭反十二年義渠來伐至渭南十四年蹀公卒立其弟懷公懷公四年庶長鼂與大臣圍懷公懷公自殺懷公太子曰昭子蚤死大臣乃立太子昭子之子是為靈公靈公懷公孫也靈公六年晉城少梁秦擊之十三年城藉姑靈公卒子獻公不得立立靈公季父悼子是為簡

公卒子獻公不得立立靈公季父悼子是為簡

公簡公昭子之弟而懷公子也簡公六年令吏初

帶劔澗洛城重泉地理志重泉縣屬焉十六年卒徐廣曰表云十五年也

子惠公立惠公十二年子出子生十三年伐蜀取

南鄭惠公卒出子立出子二年庶長改迎靈公之

子獻公于河西而立之殺出子及其母沈之淵旁

秦以往者數易君君臣乖亂故晉復強奪秦河西

地獻公元年徐廣曰丁酉止從死一年城櫟陽徐廣曰徙都之今萬年是也

四年正月庚寅孝公生十一年周太史儋見獻公

曰周故與秦國合而別別五百歲復合各七十七

歲而霸王出十六年桃冬花十八年雨奎櫟陽

十一年與晉戰於石門斬首六萬天子賀補散

周禮曰白與黑謂之黼黑與青謂之黻二十三年與魏晉戰少梁雪陽其將

公孫痤二十四年獻公卒徐廣曰表云二十三年子孝公立年

年已二十一歲矣孝公元年徐廣曰庚申也河山以東疆國六

與齊威楚宣魏惠燕悼韓哀趙成侯並淮泗之間

小國十餘楚魏與秦接界魏築長城自鄭濱洛以

北有上郡楚自漢中南有巴黔中周室微諸侯力

政爭相併秦僻在雍州不與中國諸侯之會盟夷

翟遇之孝公於是布惠振孤寡招戰士明功賞下

今國中曰昔我穆公自岐雍之間脩德行武東平

晉亂以河為界西霸戎程廣地千里天子致伯諸
畢賀為後世開業甚光美會往者厲蹀簡公出子
之不寧國家內憂未遑外事三晉攻奪我先君河
西地諸侯卑秦醜莫大焉獻公即位鎮撫邊境
徙治櫟陽且欲東伐復穆公之故地脩穆公之政
令寡人思念先君之意常痛於心賓客群臣有能
出奇計彊秦者吾且尊官與之分土於是乃出兵
東圍陝城西斬戎之獮王地里志天水有獮道縣衛鞅
聞是令下西入秦因景監求見孝公二年天子致
昨三年衛鞅說孝公變法備刑內務耕稼外勸戰

死之賞爵孝公善之甘龍杜摯等弗然相與爭之

卒用鞅法百姓莫之居三年百姓便之乃拜鞅為左

庶長其事在商君語中七年與魏惠王會杜平八

年與魏戰元里有功十年衛鞅為大良造將兵圍

魏安邑降之地里志曰河東有安邑縣十二年作為咸陽築冀闕

秦徙都之并諸小鄉聚集為大縣縣一令漢書百官表白縣令

長皆秦官萬戶以上為令秩千石至六百石四十縣為曰開阡

陌東地渡洛十四年初為賦徐廣曰制貢賦之法也十九年天

子致伯二十年諸侯畢賀秦使公子少官率師會

諸侯逢澤徐廣曰開封東北有逢澤朝天子二十一年齊敗魏馬

治三年
監生

陵二十二年衛鞅擊魏虜魏公子卬封鞅為列侯
號商君二十四年與晉戰鴈門虜其將魏錯孝公
卒子惠文君立是歲誅衛鞅鞅之初為秦施法法
不行太子犯禁鞅曰法之不行自於貴戚君必欲
行法先於太子太子不可黥黥其傅師於是法大
用秦人治及孝公卒太子立宗室多怨鞅鞅亡因
以為反而卒車裂以徇秦國

漢書曰商君為法於秦戰斬
一首賜爵一級欲為官者五

十石其爵名一為公十二上造三簪裏四不更五大夫六公大夫七官大夫八
公乘九五大夫十左庶長十一右庶長十二左更十五中更十
四右更十五少上造十六大上造十七
駟車庶長十九關內侯二十徹侯 惠文君元年楚韓
趙蜀人來朝二年天子賀三年王冠四年天子致

文武肱齊魏為王五年陰晉人犀首為大良造

官名姓公
孫名衍六年魏納陰晉陰晉更名寧秦

年公子卬與魏戰虜其將龍賈斬首八萬八年魏

納河西地九年渡河取汾陰皮氏

會應園焦降之十年張儀相秦魏納上郡十五縣

十一年縣義渠歸魏焦曲沃義渠君為臣更名少

梁曰夏陽十二年初臘十三年四月戊午魏君為

王韓亦為王使張儀伐取陝出其人與魏十四年

更為元年二年張儀與齊楚大臣會齧桑三年韓

魏太子來朝張儀相魏五年王游至北河

徐廣曰戎
地在河上

七年樂池相秦韓趙魏燕齊帥匈奴共攻秦秦使庶長疾與戰脩魚虜其將申差敗趙公子渴韓太子奐斬首八萬二千八年張儀復相秦九年司馬錯伐蜀滅之伐取趙中都西陽地志太原有中都縣十年韓太子蒼來質伐取韓石章伐敗趙將泥徐廣曰將一作莊伐取義渠二十五城十一年樛里疾攻魏焦降之敗韓岸門斬首萬其將犀首走公子通封於蜀徐廣曰是歲王緡元也燕君讓其臣子之十二年王與梁王會臨晉庶長疾攻趙虜趙將莊張儀相楚十三年庶長章擊楚於丹陽虜其將屈咎斬首八萬又攻楚漢中取

地六百里置漢中郡楚圍雍氏秦使庶長疾助韓而東攻齊到滿助魏攻燕十四年伐楚取召陵丹犁臣蜀相壯徐廣曰一作狀殺蜀侯來降惠王卒子武王立韓魏齊楚越徐廣曰一作趙皆賓從武王元年與魏惠王會臨晉徐廣曰表云哀王誅蜀相壯張儀魏章皆東出之魏伐義渠丹犁二年初置丞相應劭曰丞相承也相助也樛里疾甘茂為左右丞相張儀死於魏三年與韓襄王會臨晉外南公揭卒樛里疾相韓武王謂甘茂曰寡人欲容車通三川窺周室死不恨矣其秋使甘茂庶長封伐宜陽四年拔宜陽斬首六萬涉河城武遂徐廣

曰韓太子來朝武王有力好戲力士任鄙烏獲孟

說皆至大官王與孟說舉鼎絕臍徐廣曰一作脉八月武王

死皇覽曰秦武王冢在扶風安陵縣西北畢陌中大冢是也人以爲周文王冢非也周文王冢在杜中族孟說武王

取魏女爲后無子立異母弟是爲昭襄王昭襄母

楚人姓芊氏號宣太后武王死時昭襄王爲質於

燕燕人送歸得立昭襄王元年嚴君疾爲相甘茂

出之魏二年彗星見庶長壯與大臣諸侯公子爲

逆皆誅及惠文后皆不得喪死徐廣曰迎婦於楚者悼武王后

出歸魏三年王冠與楚王會黃棘與楚上庸地里志漢中有

上庸四年取蒲板彗星見五年魏王來朝應亭徐廣曰魏

復與魏蒲坂六年蜀侯輝反司馬錯定蜀庶

長負伐楚斬首二萬涇陽君質於齊日食晝冥七

年拔新城博里子卒八年使將軍芊戎攻楚取新

市晉帝記曰江夏有新市縣齊使章子魏使公孫喜韓使暴式爲共

攻楚方城取唐昧趙破中山其君亡竟死齊魏公

子勁韓公子長爲諸侯九年孟嘗君薛文來相秦

與攻楚取八城殺其將景使十年楚懷王又朝秦

秦留之薛文以金受免樓緩爲丞相十一年齊韓

魏趙宋中山五國共攻秦至鹽氏而還徐廣曰鹽一作監秦

與韓魏河北及封陵以和彗星見楚懷王走之趙

與

趙不受還之秦即死歸葬十二年樓緩免穰侯魏

冉為相子楚粟五萬石十三年向壽伐韓取武始

左更白起攻新城五大夫禮出亡奔魏任

鄒為漢中守漢書百官表十四年左更白起攻韓魏

於伊闕斬首二十四萬虜公孫喜拔五城十五年

大良造白起攻魏取垣復予之攻楚取宛十六年

左更錯取軹及鄧地理志河內有軹冉免封公子市宛

公子悝鄧魏冉陶為諸侯十七年城陽君入朝及

東周君來朝秦以垣為蒲坂皮氏王之宜陽十八

年錯攻垣河雍決橋取之徐廣曰汲冢紀年云魏哀王二十

在戰西十九年主為西帝齊為東帝皆復去之呂禮

來自歸齊破宋宋王在魏死温任鄙卒二十年

曰秦地有王之漢中又之上郡北河二十一年

生牛錯攻魏河內魏獻安邑秦出其人募徙河東賜

爵赦罪人遷之涇陽君封宛二十二年蒙武伐齊

河東為九縣與楚王會宛與趙王會中陽地理志中陽

二十三年尉繚離與三晉燕伐齊破之濟西王與

魏王會宜陽與韓王會新城二十四年與楚王會

鄆又會穰秦取魏安城地理志汝南二十五年拔趙二城與韓王會

秦軍去魏冉免相二十五年拔趙二城與韓王會

新城與魏王會新明邑二十六年赦罪人遷五羸
 侯冉復相二十七年錯攻楚赦罪人遷之南陽白
 起攻趙取代光狼城又使司馬錯發隴西因蜀攻
 楚黔中拔之二十八年大良造白起攻楚取鄢郢
 赦罪人遷之二十九年大良造白起攻楚取郢為
 南郡楚王走周君來王與楚王會襄陵地理志
 白起為武安君三十年蜀守若伐取巫郡及江
 為黔中郡三十一年白起伐魏取兩城楚人反
 江南三十二年相穰侯攻魏至大梁破秦為斬首
 四萬為走魏入三縣請和三十三年穰侯胡傷攻

我南鄢

魏卷

河南有善縣

蔡陽長杜取之

魏有杜縣

擊芒卯華陽破之

芒卯華陽破之

孟卯

斬首五萬魏入南陽以和

魏地

陽秦始自更名河內情魏地

三十四年秦與魏

韓上庸地為一郡南陽免臣遷居之三十六五年

佐韓魏楚伐燕初置南陽郡三十六年客卿

竈攻齊取剛壽子穰侯三十八年中更胡傷攻趙

閼與孟卯不能取四十年得太子

死魏歸楚在陽今霸陵四十一年夏攻魏取邢

丘懷徐廣曰邢丘在平皋得武王

四十二年安國君為太子十月宣太后薨

日華 葬芷陽鄠山九月穰侯出之陶四十二載

武安君白起攻韓拔九城斬首五萬四十四年攻

韓南郡取之四十五年五大夫責攻韓取十城

華陽騶崇一 悍出之國未至而死四十七年秦

攻韓上黨上黨降趙秦圍攻趙趙發兵擊秦

相距秦使武安君白起擊秦破趙於長平四十

餘萬秦殺之四十八年十月韓獻垣垣 司 隴 南

武安皮牢拔之司馬梗北定太尔畫有 韓上黨

正月兵罷復守上黨其十月五大夫陵攻趙邯鄲四

十九年正月益發卒佐陵陵戰不善免王齕代將

其十月將軍張唐攻魏為蔡尉捐弗守還斬之五

十年十月武安君白起有罪為士伍遷陰 張唐攻

鄭拔之十二月益發卒軍汾城旁武安君白起有罪

死齕攻邯鄲不拔去還奔汾軍二月餘攻晉軍斬首

六千晉楚流死河二萬人攻汾城即徙唐拔寧新中寧

新中更名安陽初作河橋五年將軍摎攻韓取陽城負

忝斬首四萬攻趙取二十餘縣首虜九萬西周君背秦與

諸侯約從天下銳兵出伊闕攻秦令秦毋得迎陽城

於是秦使將軍樛攻西周西周君走來自歸頓首受
罪盡獻其邑三十六城口三萬秦王受獻歸其君於周
五十二年周民東亡其器九鼎入秦周初亡五十二年天
下來賓魏後秦使樛伐魏取吳城韓王入朝魏委國
聽令五十四年王郊見上帝於雍五十六年秋昭
襄王卒子孝文王立尊唐八子為唐太后而合
其葬於先王韓王襄經入弔祠諸侯皆使其將相來
弔祠視喪事孝文王元年赦罪人修先王功臣寔有親
親戚施苑囿老支王除喪十月己亥即位二十日卒
丑卒子莊襄王立莊襄王元年大赦罪人修先王

臣施德厚骨肉而布惠於民東周君與諸侯謀秦

秦使相國呂不韋誅之盡入其國秦不絕其祀以

陽人地地理志河南梁賜周君奉其祭祀使秦韓

韓獻成阜鞏秦界至天梁初置三川郡韋昭曰有河

案地理志漢高二年使蒙驪攻趙定太原二年蒙驪攻

魏高都汝徐廣曰一作汝拔之攻趙榆次新城狼孟取

三十七城四月日食四年王鮪攻上黨初置太原

郡魏將無忌率五國兵擊秦秦却於河外蒙驪敗

解而去五月丙午莊襄王卒子政立是為秦始皇

帝秦王政立二十六年初并天下為三十六郡號

為始皇帝始皇帝五十一年而崩子胡亥立是為
二世皇帝三年諸侯並起叛秦趙高殺二世立子
嬰子嬰五月餘諸侯誅之遂滅秦其語在始皇帝
紀中

太史公曰秦之先為嬴姓其後分封以國為姓其

徐氏郟氏莒氏終黎氏徐廣曰世本徐氏終黎氏曰氏姓注云有姓終黎者運奄

氏菟裘氏將梁氏黃氏江氏脩魚氏白冥氏蜚廉

氏秦氏然秦以其先造父封趙城為趙氏

秦本紀卷第四



